

REBOLUSYON SA GITNA NG PANDEMYA

ni Tantan Nayles

Kay dami na ang namatayan
Pati na rin ang mga nahawaan
Ngunit patuloy pa rin tayong lumalaban
Hindi matitinag ang bayan
Sa sakit na dulot nito
At iiwan na pinsala sa bawat tao

Ang bawat araw na lumilipas
Umaasang maibabalik na ang nakasanayan na bukas
Umaasang wala na rin mararanasan na dahas
Marami na rin ang nagugutom na pamilya
Kanilang panawagan ay ayuda
Ngunit bala ang naging kasagutan
Sa mga kumakalam na tiyan
Rehas ang naging kasagutan din sa mga nag-aklas
At tanging mga alaala na lamang ang naiwan na bakas
Bigas at sardinas ang kanilang hiling
Upang may maihain at pagsasaluhan na pagkain
Matinding gutom at hindi sakit ang papatay sa mamamayan

Hindi tayo makakaahon, makakabangon
Kung sa bawat kakulangan ng aksyon ng pamahalaan
Kapalit ay buhay ng mamamayan
Na saan na nga ba ang konkretong plano?
Ang itutugon na solusyon?
Kung ibabaling na lamang sa mga opinyon ng bawat tao

Arestado! at sa kulungan kung magsasalita ka sa tunay na estado

Ito ang kanilang tugon upang malihis ang atensyon at hindi sa hinaharap na pagsubok

Idagdag mo pa ang mga trapo

Na tila'y kinukurakot ang pondo!

Tunay nga naman sila ang salot

Na sa lupang sinilangan ay dumapo

Kaginhawaan dapat ang dulot nito

Ngunit Isang bangungot lamang ang nagpagising sa tao

Paumanhin, pero tunay at totoo

Marami na ang nagbuwis ng kanilang buhay

Nagsakripisyo, nagtiis na mahiwalay sa mga naiwan nilang mahal sa buhay

Nagpakasakit sa gitna ng pandemya upang paglingkuran ang bayan

Lubhang delikado kahit ang kanilang buhay ay nasa gitna na ng hukay

Kapatid gumising ka at huwag maging bingi

Magsalita ka ,gamitin mo ang iyong tinig

Kumilos at huwag magpadala na lamang sa agos

Nararapat na ikaw ay tumindig at ang panawagan ng masa ay iparinig!

“Ayuda hindi bala”

“Bigas at hindi rehas” sa mga taong nag-aaklas

“Mass Testing at hindi killing” ang solusyon

Paumanhin pero patunay at totoo

Nawa'y ang mga panawagan

Hindi dapat ipinagkakait sa bayan

Sa ating administrasyon, pakiusap

Pakinggan ang kanilang sinasabi

Bago pa magsisi sa huli

Magtulungan at manalig ang kailangan natin

Makataong solusyon ang dapat itugon

Makakabangon tayo

Malalagpasan din natin ang hamon

